

四庫全書

史部

欽定四庫全書

史部

欽定歷代職官表卷

二十九

編修臣 初喬齡覆校

纂修黃校勘候選知縣臣 范 雲

謄錄監生臣 王 侶

欽定四庫全書

欽定歷代職官表卷二十九

陵寢各官表

陵寢各官表

秦漢

後漢三國

晉

宋齊

北魏

北齊

後周

隋

唐

五季

宋

遼

金

元

明

守宮使

諸陵使

提舉
陵使

陵寢八旗總管等官

諸陵園
諸陵校
諸陵
諸陵
諸陵

守陵指揮諸陵巡檢

李德輝 衛德輝 同知指 揮金事 本後著 衛石石 中前後 各十戶 所正十 戶副十 戶百戶

陵寢各官

國朝官制

永陵掌關防官一人

正四品各

陵寢同

副關防官兼內管領一

人副關防官兼尚茶正尚膳正二人

正五品各

陵寢同

筆帖式四人

永陵總管一人

正三品各

陵寢同

翼領二人

正四品各

陵寢同

防禦

十有六人

正五品各

陵寢同

福陵掌關防官一人副關防官二人尚茶正尚膳正各一

人

俱正四品各

陵寢同

內管領一人

正五品各

陵寢同 筆帖

式四人

福陵總管一人翼領二人防禦十有六人世襲騎都尉一

人雲騎尉品級官七人六品官一人七品官五人

八品官四人

昭陵掌關防官一人副關防官二人尚茶正尚膳正各一

人內管領一人筆帖式四人

昭陵總管一人翼領二人世襲一等侍衛魚二等輕車都

尉一人防禦十有六人世襲雲騎尉四人雲騎尉

品級二人世襲六品官七人

右俱滿洲貢額

掌守衛

三陵凡班直之令饗獻之禮灑掃之節咸以時分司其事

焉

永陵總管等員康熙九年置掌關防等員康熙十一年置

福陵

昭陵掌關防總管等員俱順治十三年置又

永陵有副總領司香尚膳及

國戚章京等員

福陵有副茶領副膳領尚茶尚膳司香管千丁佐領等員

又

國戚章京六十五員

昭陵有副總領尚茶尚膳司香管千丁佐領等員又

恩賜國戚防禦品級三員

國戚章京二十員俱順治初年以來先後增置

東陵

泰陵管理承辦事務衙門宗室貝勒貝子公均無常員

東陵

泰陵內務府總管各一人

正二品

掌帥其屬而嚴衛護時薦享以祇奉

陵寢初康熙二年始除內大臣侍衛等守護

孝陵康熙六十一年十二月建

景陵

特命以王公守護別置大學士尚書侍郎領侍衛內大臣
內務府總管副都統散秩大臣乾清門侍衛御前
侍衛侍衛等員皆有關不除乾隆二年定守護

泰陵人員貝勒二人公一人大臣官員十人侍衛十人皆
奉

旨除往尋設

東陵

泰陵承辦事務衙門各鑄給印章以守

陵之貝勒貝子公內務府總管等同領其政令焉

守

陵寢總兵官馬蘭鎮泰寧鎮各一人

掌督帥官兵巡防游徼以翼衛

陵寢其內務府總管奉

命兼攝者皆由

特簡不為例所轄將弁職制詳具武職篇

昭西陵奉祀禮部郎中一人員外郎二人讀祝官二人贊

禮郎四人筆帖式二人

孝陵奉祀禮部掌關防郎中一人

兼管

孝東陵事務

員外郎二

人讀祝官二人贊禮郎四人筆帖式二人

孝東陵奉祀禮部員外郎二人讀祝官二人贊禮郎四人

筆帖式二人

景陵奉祀禮部郎中一人員外郎二人讀祝官二人贊禮

郎四人筆帖式二人

景陵皇貴妃園寢讀祝官二人贊禮郎三人

景陵妃園寢讀祝官二人贊禮郎三人

泰陵奉祀禮部郎中一人

兼管
泰東陵事務

員外郎二人讀祝官

二人贊禮郎四人筆帖式四人

泰東陵奉祀禮部員外郎二人讀祝官二人贊禮郎四人

筆帖式四人

泰陵妃園寢主事一人讀祝官二人贊禮郎三人

孝賢皇后陵寢奉祀禮部郎中一人員外二人讀祝官

二人贊禮郎四人筆帖式二人

純惠皇貴妃園寢讀祝官二人贊禮郎三人

端慧皇太子園寢讀祝官二人贊禮郎三人

東陵承辦事務衙門主事二人筆帖式二人

西陵承辦事務衙門主事一人委署主事一人筆帖式四

人

右

東陵宗室郎中一員外郎一主事一
泰陵宗室員外郎一主事一餘俱滿洲

員
額

郎中員外郎主事掌判署文案監視禮儀歲供其

品物以序祀事讀祝官掌讀祝辭奉制帛贊禮郎

掌讚唱導引以詔行禮之節筆帖式掌繕錄文移
員額自康熙二年以來先後置乾隆二年定以

孝陵奉祀禮部郎中為掌關防郎中凡各

陵事務皆令會同辦理有關則掄選引

見請

旨簡補四十六年改置宗室郎中員外郎主事共五人

東陵工部郎中一人員外郎四人筆帖式四人

泰陵工部郎中一人員外郎一人筆帖式四人

泰東陵工部員外郎一人

泰陵妃園寢工部主事一人

掌歲時脩葺繕治之事祭祀則供其楮幣官府所

須咸給其器具焉員額自康熙二年以來先後置

昭西陵內務府郎中一人員外郎一人主事一人尚茶正

尚膳正各一人

俱正四品

內管領一人

正五品

筆帖式二

人

孝陵內務府郎中一人員外郎一人主事一人尚茶正尚

膳正各一人內管領一人內副管領一人

正六品筆

帖式二人

孝東陵內務府郎中一人員外郎一人主事一人尚茶正
尚膳正各一人內管領一人筆帖式二人

景陵內務府員外郎一人主事一人尚茶正一人尚膳正
二人內管領一人內副管領一人筆帖式二人

景陵皇貴妃園寢內務府員外郎一人尚茶副尚膳副各

一人委署內副管領一人

俱用九品冠帶

泰陵內務府員外郎一人主事一人尚茶正一人尚膳正
二人內管領一人內副管領一人筆帖式二人

泰東陵內務府郎中一人員外郎一人主事一人尚茶正
尚膳正各一人內管領一人筆帖式二人

泰陵妃園寢內務府主事一人內副管領一人

孝賢皇后陵寢內務府郎中一人員外郎一人主事一
人尚茶正尚膳正各一人內管領一人內副管領
一人筆帖式二人

純惠皇貴妃園寢尚茶副尚膳副各一人委署內副
管領一人

端慧皇太子園寢內副管領一人尚茶副尚膳副各

一人

右俱內務
府員額

郎中員外郎主事掌奉祭祀奠享之禮埽除開闔
之節藝林木薙草萊皆因時經理之尚茶尚膳正
副掌熟俎之具蔬茹之品醅漿之用咸潔治而敬
共之內管領副管領掌餅餌飴蜜之物以時薦之

筆帖式分掌文案員額自康熙二年以來先後置

昭西陵防禦十有六人驍騎校二人

從六品

筆帖式二人

孝陵總管一人翼領二人

俱兼管

孝東陵事務

昭西陵

防禦十

有六人輕車都尉一人雲騎尉二人驍騎校二人

筆帖式二人

孝東陵防禦十有六人驍騎校二人筆帖式二人

景陵總管一人翼領二人防禦十有六人驍騎校二人筆

帖式二人

景陵皇貴妃園寢防禦四人驍騎校一人

景陵妃園寢防禦八人驍騎校一人

泰陵

泰東陵總管一人翼領二人防禦四十人驍騎校五人筆

帖式二人

孝賢皇后陵寢總管一人翼領二人防禦十有六人驍

騎校二人

妃園寢防禦八人驍騎校一人

端慧皇太子園寢防禦委署翼領一人防禦七人委

署驍騎校一人

右俱滿洲員額

總管翼領掌帥八旗官兵巡視守護防禦驍騎校
掌守衛門戶庫藏祭祀則共其几筵筆帖式分掌
文案員額自康熙二年以來先後置

厯代建置

三代

周禮春官冢人下大夫二人中士四人府二人史

四人胥十有二人徒百有二十人掌公墓之地辨
其兆域而為之圖先王之葬居中以昭穆為左右
凡諸侯居左右以前卿大夫居後各以其族以爵
為丘封之度與其樹數正墓位蹕墓域守墓禁凡
諸侯及諸臣葬于墓者授之兆為之蹕均其禁
成注冢封土為邱壘象冢而為之公君也賈
公彥疏公則諸侯之通稱言君則上通天子墓大
夫下大夫二人中士二人府二人史四人胥十二
人徒二人掌凡邦墓之地域為之圖令國民族莫

而掌其禁令正其位掌其度數使皆有私地域帥其屬而巡墓屬居其中之室以守之

鄭康成注墓冢塋之地孝

子所思

墓也

太平御覽齊職儀曰周有墓大夫冢人之職掌先王之墓

謹案古者皆以族葬雖公墓亦然冢人所掌先王之冢居中子孫皆就而葬之以昭穆為左右劉向諫營昌陵疏謂文武周公葬于畢魏了翁

古今考以為文王居中武王為昭居左成王為
穆居右者是也至冢墓之稱亦通乎貴賤左傳
稱穀有二陵其南陵夏后臯之墓書傳稱桐宮
湯墓水經注有顓頊冢皇覽有黃帝冢並言冢
言墓而不言陵顧炎武謂春秋以降乃有稱邱
者楚昭王墓謂之昭邱趙武靈王墓謂之靈邱
而吳王闔閭之墓亦名虎邱史記趙世家肅侯
十五年起壽陵秦本紀惠文王葬公陵悼武王

葬永陵孝文王葬壽陵始有稱陵者三秦記稱
秦謂天子墳曰山漢云陵亦通言山陵言高大
如山陵據此是陵名當始自戰國以後世之稱
堯陵舜陵者乃從今制追名之耳然觀周禮冢
人掌公墓墓大夫掌邦墓則所司固有差別而
蹕墓域守墓禁其嚴立條法亦為公墓而設後
代置官吏以守護山陵其源實肇於此矣

秦

宋書禮志漢氏諸陵皆有園寢者承秦所為也

顧炎武日知錄秦宗廟之禮無聞而特起寢殿於

墓側

謹案古來言葬薶之侈者莫如秦之驪山役徒至七十餘萬人而史獨不言有設官守衛之事劉向謂驪山之作未成而周章百萬之師已至其下疑二世被弑時距始皇之葬未久屬四方兵起故不暇有所建置也

漢

馬端臨文獻通考諸陵園寢官漢置屬太常

衛宏漢舊儀漢興立都長安徙齊田楚昭屈原及諸功臣家於長陵後世世徙吏二千石高貲富人及豪傑兼併之家於諸陵長陵邑萬戶奉常屬官有寢園令長丞東園匠令丞主作陵內器物又有園郎寢郎故事近臣皆隨陵為園郎園中各有寢便殿日祭於寢月祭於廟時祭於便殿寢日四上

食丞相以四時行園茂陵平陵杜陵皆取二千石
將相守陵故三陵多貴皆三萬戶至五萬戶

三輔黃圖長陵城周七里百八十步因為殿垣門
四出及便殿掖庭諸官寺皆在中

雍錄文帝即霸上立陵以為霸陵陵後又置縣

漢書景帝本紀五年春正月作陽陵邑

張晏注帝作壽陵起

邑武帝本紀建元二年夏四月初置茂陵邑元帝

本紀永光四年以渭城壽陵亭部原上為初陵詔

勿置縣邑

李吉甫元和郡縣志茂陵守陵溉樹埽除凡五千人

漢書昭帝本紀三輔太常郡如淳注太常主諸陵別治其縣爵秩如三輔郡元帝永光五年令各屬所在郡也

漢書高后本紀六年秩長陵令二千石應劭注長陵高祖陵尊之故增其令秩

漢書魏相列傳相舉賢良以對策高第為茂陵令
漢書朱博列傳以太常掾察廉補安陵丞

漢書司馬相如列傳相如拜為孝文園令

漢書馮參列傳竟寧中出補渭陵食官令

如淳曰
給陵上

祭祀之事以數病徙為寢中郎

師古曰亦渭
陵之寢郎也

漢書叙傳班穉遷廣平相上書陳恩願歸相印入
備延陵園郎太后許焉

漢書平帝本紀元始元年義陵寢神衣在外牀上

寢令以急變聞

漢書外戚列傳衛皇后宣帝追諡思后置園邑三百家長丞周衛奉守焉

漢書武五子傳孝宣帝即位悼皇悼后園置奉邑三百家故皇太子置奉邑二百家史良娣置守冢三十家園置長丞周衛奉守如法

謹案自漢高祖葬太上皇於櫟陽置萬年縣為奉陵邑徙天下民貲三百萬以上與田宅守陵

見漢舊儀

嗣後高帝長陵惠帝安陵文帝霸陵景帝

陽陵武帝茂陵昭帝平陵宣帝杜陵皆置陵縣

屬於太常故漢世太常得治獄

漢書功臣侯表新時侯趙弟為

太常坐鞠獄不實免

捕盜

漢書功臣侯表建平侯杜緩為太常生盜賊多免

起徒

役

漢書昭帝紀有三年輔太常徒

舉賢良

漢書昭帝紀始元五年今太常舉賢良二

人宣帝紀本始四年令太常舉賢良方正

如列郡太守之職至元帝

始罷其制蓋當時陵邑皆徙郡國民以實之五

方雜處戶口繁殖漢時三輔豪猾犯法者衆號

稱難治其故亦由於此而所謂陵令者實治民之長吏固不僅在奉衛山陵也惟寢園令長丞諸職乃專為守陵而設特漢書百官志紀載簡畧不能得其立制之詳今以諸傳參互考之有孝文園令又有義陵寢令則園令寢令實為兩官蓋園令掌奉園陵禮儀當如今

陵寢禮部之職寢令掌寢廟服物當如今

陵寢內務府之職百官志渾舉連稱未加分晰故讀者

或誤合為一耳至食官令當如今尚茶尚膳之職園郎寢郎專司直衛當如今總管防禦之職而東園匠令丞主作陵內器物則又如今

陵寢工部之職矣

後漢書百官志先帝陵每陵園令各一人六百石掌守陵園案行埽除丞及校長各一人校長主兵

戎盜賊事

應劭漢官名秩曰丞皆選孝廉郎年少者選補府長史都官令候司馬先

帝陵每陵食官令各一人六百石掌望晦時節祭

祀

漢官曰每陵食監一人秩六百石監丞一人三百石黃門八人從官二人案食監即是食官令

號

後漢書祭祀志建武以來關西諸陵但四時特牲祠帝每幸長安謁諸陵乃太牢祠雒陽諸陵皆以晦望二十四氣伏臘及四時祠廟日上飯太官送用物園令食監典省其親陵所宮人隨鼓漏理被枕具盥水陳妝具

後漢書段熲列傳舉孝廉為憲陵園丞陽陵令

後漢書章帝八王傳安帝尊父清河孝王曰孝德
皇陵曰甘陵置令丞設兵車周衛桓帝尊河間孝
王陵曰樂成陵蠡吾侯陵曰博陵靈帝尊祖陵曰
敦陵考陵曰慎陵皆置令丞

謹案陵園規制至西漢而特為隆備但尚未有
天子親祭之文至後漢明帝永光元年正月帝
率公卿已下朝於原陵如元會儀上陵之禮實
始於此至雒陽每陵置園令丞及食官監等官

大抵亦沿西京之制惟其時長安諸陵世次已
遠陵官並置與否史無明文案百官志謂三輔
陵廟所在不改其號而地理志長陵縣下劉昭
注引蔡邕頌云長陵前漢戶五萬口十七萬至
光和戶不盈四千園陵藩衛衆盛之供百役出
焉民用匱乏不堪其事云云疑其事已併於諸
陵邑令而以京兆尹總其成未必盡如雒陽之
備官矣

三國

薛收元經傳漢故事陵上立祭殿至魏制以為謂古不墓祭自有廟設於是園邑寢殿遂廢

謹案三國陵官之制不著於史無可考見然如曹魏不置園邑寢殿則陵上便無祭祀之禮疑令丞之職亦當隨之俱廢不獨史文之闕漏也

晉

晉書職官志太常有陵令

唐六典晉太常統陵令丞主簿錄事戶曹史禁備
史各一人史四人卒一人

宋齊梁陳

宋書百官志陵令每陵一人漢舊官也屬太常
南齊書百官志諸陵令永明末置用二品三品勲
置主簿戶曹各一人

太平御覽齊職儀曰每陵令一人品第七秩四百
石銅印墨綬進賢一梁冠絳朝服

唐六典齊陵令舊用三品勲位孝建三年改為二品

隋書百官志梁太常統陵監天監七年詔以為陵監之名不出前詔且宗廟憲章既備典禮園寢職司理不容異諸正陵先立監者改為令於是陵置令矣

富大用事文類聚梁改為監後復為令班第二品第九

杜佑通典陵令梁以下皆有之

唐六典陳承梁制陵令秩六百石

北魏

謹案北魏自昭成帝至獻文帝或葬盛樂或葬雲中皆名金陵自孝文帝以後始葬雒都其謁陵之禮書於本紀者先後不一而足獨守陵官吏闕焉無述建置不得而詳考之禮志及后妃諸傳則當時諸陵制度大抵視前代為簡樸如

永固陵起墳纔六十步孝文帝壽宮去永固陵
僅里餘又昭后遷祔於長陵兆西北相去亦止
六十步其局隘可以想見又諸陵多近在都城
之外如孝文帝謂永固陵皆即日還宮歲時巡
省亦便殆即以太常兼之未嘗備置官司也

北齊

隋書百官志後齊太常寺統諸陵署令丞掌守衛
山陵等事

後周

通典後周官品正三命春官守陵上士正二命春官守陵掌墓等中士正一命春官掌墓下士

唐六典後周守陵每陵上士一人

隋

隋書百官志隋太常寺統諸陵署各置令丞一人唐六典隋每陵令一人丞一人有主衣主輦主藥等員

唐

新唐書百官志諸陵臺令各一人從五品上丞各
一人從七品下建初啟運興寧永康陵令各一人
從七品下丞各一人從八品下掌守衛山陵凡陪
葬以文武分左右子孫從父祖者亦如之宮人陪
葬則陵戶成墳諸陵四至有封禁民葬惟故墳不
毀開元二十五年以陵寢隸宗正天寶二載又以
諸陵署隸太常十載改獻昭乾定橋五陵陵署為

臺升令品永康興寧二陵稱署如故至德二年復
隸宗正永泰元年太常卿姜慶初復奏隸太常大
歷二年復舊陵臺有錄事各一人府各二人史各
四人主衣主輦主藥各四人典事各三人掌固各
二人陵戶各三百人昭陵乾陵橋陵增百人諸陵
有錄事各一人府各一人史各一人典事各二人
掌固各二人陵戶各百人○諸太子陵令各一人
從八品下丞各一人從九品下錄事各一人府各

一人史各二人典事各二人掌固各一人陵戸各三十人

唐開元禮皇帝拜五陵陵令以玉冊進御署訖詣陵拜還至寢宮進省服翫拂拭牀帳入奠酒訖皇帝出中門其守宮使內侍官引內官帥寢宮內人謁見

唐會要開元二十八年制建初起運二陵仍準興寧陵例置署官及陵戸自今以後每歲至春秋仲

月分命公卿巡謁其建初起運興寧永康四陵年
別四時及八節委所由州縣數與陵署相知造食
進獻貞元四年太常寺酌修公卿拜陵儀注其奉
禮郎典謁等應須權攝請準天寶六載勅所管縣
及陵官博士助教等充

徐乾學讀禮通考昭陵因九峻層峯鑿山東西深
七十五尺為元宮山旁巖架梁為棧道懸絕百仞
繞山二百七十步始達元宮門頂上亦起遊殿有

五重石門其門外於雙棧道上山起舍宮人供養
如平常及太宗山陵畢宮人亦依故事留棧道準
舊

柳宗元河東集陳京行狀昭陵山峻而高寢宮在
其上內宮憊其上下之勤輓汲之艱也謁於上請
更之上下其議京奏不可上從之

文獻通考貞元十四年命有司修葺陵寢獻昭乾
定泰五陵各造屋三百七十八間橋陵一百四十

間元陵五十間建陵不復創造但修葺而已

日知錄唐時陵寢常有鷹犬之奉元宗開元二年
四月辛未詔曰園陵之地衣冠所游凡厥有司罔
不祇事項者別致鷹狗供奉山陵至於料度極多
費損有乖儀式無益崇嚴諸陵所有供奉鷹狗等
並宜即停

謹案自漢以後惟唐代山陵之制最為崇重其
於陵上各起寢宮具衣冠嬪御之制亦即漢諸

陵各有寢便殿之遺意守宮使一官唐志不載
獨見於開元禮然觀其帥內官宮人以奉神御
其職視陵令實較親近蓋如今之

陵寢內務府總管也至奉禮郎典謁等官惟天子上陵
始以正貳引讚平日則皆陵令等兼攝之故別
無額缺今制各

陵皆設讀祝官贊禮郎專司其事視唐代益加嚴肅矣
五季

謹案五季陵寢之禮多沿唐舊然考宋志稱五代諸陵遠者令本州長吏朝拜近者遣太常宗正卿或因行過親謁而不言有陵臺守衛之制疑其時建置草略未必備官也

宋

文獻通考宋以宗正寺知丞事掌奉宗廟諸陵薦享之事

政和五禮新儀春秋二仲薦獻諸陵前一日都監

率其屬詣陵闕宮殿門升殿埽除陳香案及供奉之物薦獻日獻官行事諸陵有司以元日中元冬至日節進獻上宮以元日冬至寒食節第二第三日上元等節前後各一日中元節前一日立春二月二日春社上巳重午初伏七夕秋社中秋望日重陽下元節臘朔望各一日進獻下宮進獻日行事設都監位於庭北向香火內侍位其後都監香火內侍升自阼階詣神御室恭奠再拜以出惟永

定陵都監先詣真宗皇帝下宮行禮畢帥其屬詣
章惠皇后陵行禮永裕陵都監詣神宗皇帝下宮
行禮畢帥其屬詣惠恭皇后位行禮並如上儀
事文類聚宋元祐令陵臺令從六品

宋史禮志皇祐三年安陵永昌永熙三陵皆置卒
五百人惟定陵以章獻太后故別置一指揮昭陵
使甘昭吉引定陵例請置守陵奉先兩指揮京西
轉運使請減定陵卒半以奉昭陵詔選募一指揮

額五百人紹興二十七年詔永祐陵及昭慈聖獻
皇后橫宮檢察承受以檢察宮陵所為名三十年
吏部言紹興府會稽知縣依倣陵臺令典故於階
街內帶主管橫宮事務量加優異

李心傳建炎以來朝野雜記昭慈橫宮置都監巡
檢各一員衛卒百人

宋史職官志諸陵祠墳所掌先世后妃之墳園而
以時獻享

謹案宋之陵官雖不載於職官志以諸書參互考之其制度亦可概見蓋諸陵皆置使一人都監一人香火內侍一人其置卒守衛則又設指揮巡檢等員以領之南渡以後別有檢宮官陵所主管橫宮諸職名準諸今制陵使總轄其事當如

陵寢內務府大臣都監典掌禮儀當如奉祀禮部而指揮巡檢專司率卒巡護則當如

陵寢八旗之總管防禦也

遼

遼史太祖本紀天顯二年葬太祖於祖陵置祖州
天成軍節度使以奉陵寢

遼史地理志懷州奉陵軍節度大同元年世宗置
以奉太宗懷陵慶州元寧軍節度聖宗葬此建永
慶陵置蕃漢守陵三千戶並隸大內都總管司顯
州奉先軍節度世宗置以奉顯陵顯陵者東丹人

皇王墓也乾州廣德軍節度聖宗統和三年置以奉景宗乾陵

謹案遼代諸陵亦各有寢殿如懷陵有鳳凰殿慶陵有望仙殿御容殿乾陵有凝神殿皆著於史而奉祀之官紀志不詳獨無可考見惟每陵各置節度使以重守衛為遼之規制蓋如今之設

陵寢總兵官也

金

金史百官志諸陵署

大安四年
同隨朝

提點山陵正五品

涿州刺史兼令從六品丞一員從七品掌守山陵
直長正八品園陵署令宛平縣丞兼貞祐二年以
園遷大興縣境遂以大興縣令丞兼

謹案金初諸帝本葬上京海陵煬王正隆元年
遷始祖以下十帝改葬於大房山故以涿州刺
史兼提點山陵之職而令丞以下皆特置其園

陵之在大興宛平者乃后妃所葬禮視帝陵為簡故但以縣令丞兼之也

元

元史本紀世祖成宗仁宗武宗葬起輦谷從諸帝陵英宗從葬諸帝陵泰定帝明宗文宗寧宗葬起輦谷從諸陵

元史祭祀志凡陵地開穴所起之土成塊依次排列之既下復以次掩覆之其有剩土則遠置他所

送葬官三負居五里外日一次燒飯致祭三年然後返

事文類聚大元置諸陵署隸太常有令丞直長等官又置提點山陵使及副使

謹案元諸帝皆葬起輦谷最為質樸潘埴楮記室謂葬後用萬馬蹴平俟草青方解嚴則已漫同平坡無復考誌遺蹟是當時並無下宮皇堂之制是以不上陵名不起享殿不植列樹官司

守衛自無所用宜百官志不見有諸陵署之名
乃事文類聚又載元代實有此職疑其未可憑
據然富大用以元人紀元制又不應舛錯至此
姑附存之以備考核焉

明

明會典熙祖曰祖陵在泗州設祠祭署置奉祀一
員陵戶二百九十三戶仁祖曰皇陵在鳳陽府設
皇陵衛並祠祭署奉祀一員祀丞三員置陵戶三

千三百四十二戶太祖孝陵設神宮監孝陵衛及祠祭署天壽山諸陵各設神宮監并衛及祠祭署睿宗顯陵在承天府設神宮監顯陵衛祠祭署置奉祀一員以戚屬為之嘉靖十八年陞戚署為都督僉事給欽差純德山掌祀闕防職專守護始於太常寺選補奉祀及增祀丞一員如七陵之制明史職官志各陵俱設神宮監太監守陵天壽山守備太監一員轄各陵守陵太監職司護衛

明官制孝陵衛經歷司鎮撫司左右中前後千戶
所牧馬千戶所長陵衛經歷司鎮撫司左右中前
後中左中右千戶所獻陵等衛經歷司鎮撫司左
右中前後千戶所各衛指揮使指揮同知指揮僉
事各所正千戶副千戶百戶

謹案三代禮經本無墓祭之文自秦漢崇建陵
園始於墓側起廟四時祭祀事之如生雖典屬
瓶設而緣情定制要為不失禮意及漢世專務

侈張浸成敝習遂至大陳車馬廣置嬪御與宮
廷無異漢書貢禹奏言武帝取好女數千人填
後宮及昭帝幼弱霍光專事不知禮正皆以後
宮女置於園陵今杜陵有宮人數百又外戚傳
有杜陵梁美人又成帝班婕妤充奉園陵又後
漢諸陵以宮人理被枕具盥水陳妝具迄唐世
而此風未革其為媒瀆實甚宋金稍除其弊而
各陵設香火內侍與守陵都監分司薦獻之禮

升階行禮儼為儕列亦失體制至明代而守陵之事遂悉領之神宮監太監又置守備太監以總統之凡諸陵巡防護視咸歸經理春秋時祀亦皆神宮監太監承祭朝廷並不遣官以守衛陵園重務委之一二刑餘使其專奉明禋褻禮慢神尤乖典則我

朝鞏建

珠邱神皋永奠因山禮制準古加隆凡守護事宜特遣

宗室貝勒貝子公及總管內務府大臣典領以
昭崇重而禮部工部太常寺內務府官屬分曹
定職各有攸司所設內監人員不過供香燈灑
掃之役仍歸內務府大臣管轄制度釐然規條
詳肅洵乎超越列代足垂奕禩之法守矣

欽定歷代職官表卷二十九

欽定四庫全書

欽定歷代職官表卷三十

光祿寺表

卿	少	卿寺祿光	
	周膳夫中士下士	周膳夫中士	三代
			秦
			漢
			後漢
			三國
			晉
			宋齊梁陳
			北魏
			北齊
			後周
			隋
			唐
			五季
			宋
			遼
			金
			元
			明

珍署署差正署署差珍

周漢

湯官全
湯官全

湯官全
甘水

有藏者
有藏中
有藏者
珍署署
今
士
今
今

有藏者
有藏下
有藏者
珍署署
丞
士
丞
丞

供備庫
使
物料庫
監官

供備庫
副使

生料庫
珍署署
珍署署
珍署署
珍署署
珍署署
珍署署
珍署署

生料庫
珍署署
珍署署
珍署署
珍署署
珍署署
珍署署
珍署署

珍署署
珍署署
珍署署
珍署署
珍署署
珍署署
珍署署
珍署署

珍署署
珍署署
珍署署
珍署署
珍署署
珍署署
珍署署
珍署署

良醞署署丞

周正下
士

良醞署署正

周正中
士

湯官水

監醞吏酒庫丞
酒水

清涼署酒正下
丞士

良醞署良醞署
丞丞

清涼署酒正中
令士

良醞署良醞署
令令

內酒坊
使
監
都魁院
監官
法酒庫
監官

同監
務

酒坊副
使
高醞署
副使
丞

高醞署良醞署
署丞

酒坊使
高醞署提舉
令
高醞署
大使

提舉
高醞署
大使

良醞署
署正

式 帖 筆	使 庫 庫 司	簿 典
史 太 官 員 太 官 員 史		
厨 史		
	丞 太 官 庫	
		光 祿 寺 主 簿
		光 祿 寺 主 簿 光 祿 寺 主 簿 光 祿 寺 主 簿
大 官 署 監 膳 史 少 詹 事 典 客 良 監 署 監 事		
		光 祿 寺 主 簿 光 祿 寺 主 簿 光 祿 寺 主 簿
		光 祿 寺 主 簿 光 祿 寺 主 簿 光 祿 寺 主 簿
	同 監 收 文 庫 都 監 收 文 庫	光 祿 寺 主 簿 光 祿 寺 主 簿 光 祿 寺 主 簿
光 祿 寺 主 簿 光 祿 寺 主 簿 光 祿 寺 主 簿		
	使 銀 庫 大 使	光 祿 寺 主 簿 光 祿 寺 主 簿 光 祿 寺 主 簿

光祿寺

國朝官制

光祿寺卿滿洲漢人各一人

從三品

少卿滿洲漢人各一

人

滿洲漢軍初係四品順治十六年定與漢人俱為正五品

掌

大內膳羞及祭祀朝會燕饗酒醴饗餼之需辨其物品釐其法式以待供饋凡大祀則視刲牲祭之日以卿二人進福酒福胙而頒其膳肉於百執事之

人凡蕃國貢使廩於館者則序其等而為之庀具
焉所屬有大官珍羞良醢掌醢四署初順治元年
置卿滿洲漢人各一人少卿滿洲一人漢人二人
寺丞漢人一人康熙三十八年省寺丞員額少卿
亦省漢人一人乾隆十三年以來以大臣總理寺
事皆由

特簡無常員

大官署署正滿洲漢人各一人

初制四品順治十六年
改為六品康熙六年改

為五品九年
定為從六品
署丞滿洲二人
初制六品康熙九年定為從七品

掌肉脩蔬茹之屬辨其物而共之祭祀燕饗則陳其几席焉初順治元年定四署置署正滿洲漢人各一人署丞各滿洲二人漢人一人又漢人監事各一人十三年省漢人監事員額十五年又省漢人署丞四人

珍羞署署正滿洲漢人各一人署丞滿洲二人
掌及時獻其禽鱉以薦新於

廟祭祀則共免醢若燕饗之品物各準其度數以差次之
良醢署署正滿洲漢人各一人署丞滿洲二人

掌共祭祀燕饗之酒醴設酒庫於西安門內授之
灋式而頒其政令焉

掌醢署署正滿洲漢人各一人署丞滿洲二人

掌共百事之鹽及果實飴蜜醢醬之屬咸以時按
式而告備焉

典簿廳典簿滿洲漢人各一人

從七品

掌章疏文移順治元年又置司牲漢大使一人十

五年省

司庫滿洲二人庫使滿洲八人

掌庫帑出納

筆帖式滿洲十有八人

順治元年置滿洲筆帖式二十有一人漢軍二人

康熙三十八年省漢軍員額復省滿洲筆帖式三

人

職事具吏部篇

歷代建置

三代

春秋左氏傳少康逃奔有虞為之庖正以除其害

杜預註庖正掌膳羞之官

孔穎達疏庖正當周禮之庖人謂之為正當是

食官之長

謹案崔寔政論謂太昊之世設九庖之官是主

膳羞者在上古已有其職而虞之庖正為周庖

人之權輿三代立制相承有自今故托始於此

禮記月令乃命大酋秫稻必齊麴蘖必時湛熾必
絜水泉必香陶器必良火齊必得兼用六物大酋
監之毋有差貸鄭康成注酒孰曰酋大酋者酒官
之長也於周則酒人

謹案月令官名多不合周禮故大酋亦不見於
周禮蓋呂不韋等雜採古書而成疑或是夏殷
之制也

周禮天官膳夫上士二人中士四人下士八人府

二人史四人胥十有二人徒百有二十人掌王之
食飲膳羞以養王及后世子凡王之饋食用六穀
膳用六牲飲用六清羞用百有二十品珍用八物
醬用百有二十齏王燕食則奉膳贊祭凡王祭祀
賓客食則徹王之胙俎凡王之稍事設薦脯醢王
燕飲酒則為獻主掌后及世子之膳羞凡肉脩之
頒賜皆掌之凡祭祀之致福者受而膳之

鄭康成注膳夫

食官之長也鄭司農以庖人中士四人下士八人詩說之曰仲允膳夫

府二人史四人賈八人胥四人徒四十人掌共六畜六獸六禽辨其名物凡其死生蠹薨之物以共王之膳與其薦羞之物及后世子之膳羞共祭祀之好羞

鄭康成注謂四時所為膳食

內饗中士四人下士六人

府二人史四人胥十人徒百人掌王及后世子膳羞之割烹煎和之事辨體名肉物辨百品味之物

凡宗廟之祭祀掌割烹之事凡燕飲食亦如之

鄭康

成注內饗所主在內者賈公彥疏以其外饗中士掌王及后世子及宗廟皆是在內之事

四人下士八人府二人史四人胥十人徒百人掌

外祭祀之割烹共其脯脩刑臠陳其鼎俎實之牲

體魚腊凡賓客之飧饗饗食之事亦如之

鄭康成注外饗

所主在外

酒正中士四人下士八人府二人史八人胥八人

徒八十人掌酒之政令以式瀆授酒材凡為公酒

者亦如之辨五齊之名一曰泛齊二曰醴齊三曰

盎齊四曰緹齊五曰沈齊辨三酒之物一曰事酒

二曰昔酒三曰清酒辨四飲之物一曰清二曰醫三

曰醬四曰醢掌其厚薄之齊以共王之四飲三酒之饌及后世子之飲與其酒凡祭祀以瀆共五齊三酒以實八尊大祭三貳中祭再貳小祭壹貳皆有酌數唯齊酒不貳皆有器量共賓客之禮酒籩人奄一人女籩十人妾二十人掌四籩之實朝事之籩其實糗黃白黑形鹽膾鮑魚鱠饋食之籩其實棗栗桃乾榛榛實加籩之實菱芡桌脯菱芡桌脯羞籩之實糗餌粉飡凡祭祀共其籩薦羞之實

為王后及世子共其內羞凡邊事掌之醢人奄一
人女醢二十人奚四十人掌四豆之實朝事之豆
其實韭醢醢昌本麋鷄菁菹鹿鷄茆菹麋鷄饋
食之豆其實葵菹羸醢脾析麋醢蜃蜆醢豚拍魚
醢加豆之實芹菹兔醢深蒲醢醢箬菹雁醢筍菹
魚醢羞豆之實醢食糝食凡祭祀共薦羞之豆實
為王及后世子共其內羞

謹案今之光祿寺於周為太宰之屬唐六典以

大官署當周庖人外饗珍羞署當周籩人良醢
署當周酒正酒人掌醢署當周醢人蓋皆據其
職事所承為準而膳夫為食官之長則當如今
之光祿卿矣

秦

杜佑通典秦大官令丞屬少府

冊府元龜秦少府屬官有大官湯官令丞胞人長
丞皆主貨食之事

謹案古字胞與庖同禮記祭統有輝胞翟闇莊
子康桑楚湯以胞人籠伊尹皆即周官之庖人
秦漢少府所屬蓋亦沿其制也

漢

漢書百官公卿表少府屬官有大官湯官令丞又
胞人長丞顏師古注大官主膳食湯官主餅餌胞
人主掌宰割者也

漢書陳湯列傳西至長安求官得大官獻食丞蘇

林注主貢獻物

漢書平帝本紀元始元年置少府果丞一人顏師古注掌諸果實

漢書宣帝本紀本始四年詔令大官損膳省宰顏師古注漢儀注大官令屠者七十二人宰二百人謹案漢大官令以主御膳而考漢書列傳所載如詔賜從官肉大官丞曰晏不來東方朔拔劍割肉大官奏之霍去病從軍上為遣大官賁數

十乘貢禹為諫大夫廩食大官鮑宣為諫大夫

美食大官李尋待詔黃門食大官衣御府張禹

為太傅朝夕進食成帝遣大官致餐

事俱見各本傳是

燕饗好賜之事亦皆由大官供具今光祿寺丞

備大小筵宴及一切饋餼廩饌即其例也又栢

梁聯句詩大官令所咏為枇杷橘栗桃李梅是

果丞未設以前凡果實之供亦掌諸大官令矣

又按史記馮唐傳載文帝言居代時尚食監高

祛為言趙將李齊之賢漢世諸侯王國其官制

多仿漢廷是當時別有尚食監為省中五尚之

一五尚者尚冠尚帳尚衣尚席尚食也見應劭漢書注而霍光傳又稱昌

邑王詔大官趣上乘輿食如故食監奏未釋服
未可御故食復詔大官趣具無闕食監據此則
大官令與尚食監為兩職蓋大官令如今之光
祿寺而尚食監則如今之內膳房也

後漢書百官志大官令一人六百石本注曰掌御

飲食

劉昭注漢官曰員吏六十九人衛士三十八人荀綽晉百官表注曰漢制大官令秩千石

丞四人秩四百石不與志同

左丞甘丞湯官丞果丞各一人本

注曰左丞主飲食甘丞主膳具湯官丞主酒果丞

主果

劉昭注荀綽曰甘丞掌諸甘果丞別在外掌諸果菜茹

後漢書殤帝本紀延平元年詔減大官諸珍膳劉

昭注大官令周官也秩千石典天子厨膳

後漢書桓帝本紀永壽二年十一月置大官右監

丞官延熹五年正月省大官右監丞劉昭注漢官

儀曰大官右監丞秩比六百石

王應麟玉海世祖省湯官令置丞

唐六典桓帝時大官置四丞又有左右丞

通典桓帝延熹元年使大官令得補二千石

劉昭後漢書志注荀綽晉百官表注曰建光中尚

書陳忠以為令史質堪上言大官宜著兩梁尚書

孟希奏大官職在鼎俎不列陞位不宜許臣伏惟

大官令職在典掌王饗統六清之飲列八珍之饌

正百品之羞納四方之貢所奉尤重用思又勤明
詔慎口實之御防有敗之姦增崇其選以供養言
之為最親近以職事言之為最煩多今又高選如
堪言合典可施行即聽用之

謹案今光祿寺其名本出於漢之光祿勳自唐
六典杜佑通典諸書皆以光祿勳載入光祿寺
沿革然考光祿勳乃郎中令改名所掌為宿衛
宮殿門戶及典三署郎故栢梁聯句詩有總領

從官之語其職當如今之領侍衛內大臣與光祿寺並不相同自蕭梁除去勲字謂之光祿卿北齊又改稱光祿寺掌諸膳食肴藏於是遂為今光祿所自始名雖相襲而職務固已迥判矣今以秦漢以後大官令繫諸光祿寺表而光祿勲一官則別載入領侍衛內大臣篇庶職掌相符不致循名而其實焉

三國

冊府元龜魏光祿置大官令丞

裴松之三國志注王朗上主簿張登詔以登為大官令時苗為壽春令遷大官令

謹案據冊府元龜所載魏初更易卿監屬官大官令始改隸光祿後世因專以光祿為典膳之職通典謂魏大官令亦屬少府蓋但據漢制以例之未加詳考耳

三國吳志孫權傳嘉禾五年禁進獻御減大官膳

謹案據此條則吳亦有大官令特史文不詳或
仍隸少府或別隸他官今已不可考矣

晉

晉書職官志光祿勳統大官等令

冊府元龜大官令之屬有厨史飴官吏果官監釀
吏酒丞等員

鄭樵通志大官令有飴官果吏各二人酒丞一人

宋齊梁陳

宋書百官志大官令一人丞一人隸侍中

南齊書百官志大官令一人丞一人屬起部亦屬

領軍

謹案南齊書高宗本紀大官進御食有裹蒸又
蕭穎胄傳上欲鑄壞大官元日上壽銀酒鎗是
宋齊之世大官主御膳及燕饗之事並如漢制
其屬之侍中及領軍者當以其時光祿勳不復
居禁中而侍中領軍實掌宿衛故又改隸以便

於統轄耳至杜佑以為宋齊大官令俱屬侍中則未考南齊志而致誤也

通志齊食官局有酒吏梁曰酒庫丞

南史張融傳融攝祠部曹兼掌正厨見宰殺回車徑去自表解官

馬端臨文獻通考齊諸公府有釀食典軍二人

隋書百官志梁定九品十八班大官令為一班又大官市署丞正厨丞酒庫丞為三品蘊位大官四

丞庫丞為三品勲位

冊府元龜梁大官丞門下省領之又有市買正廚
酒庫等丞陳如梁制

謹案張融以祠部曹掌正廚專司宰割蓋如今

光祿寺署官監視刲牲之職也至隋志梁有大

官市署丞而冊府元龜又作市買丞考宋書有

張竒兼市買丞事

見顏師伯傳

則冊府元龜所載為

核隋志署字蓋傳刻之訛耳

北魏

冊府元龜魏分大官令尚食中尚食掌知御膳尚
食門下省領之中尚食集書省領之大官掌知百
官饌光祿領之有丞一人

謹案北魏分食官為兩職其尚食中尚食則如
今之內膳房而大官令別領於光祿專主百官
饌正如今光祿寺之職也蓋制度變更已開其
漸時光祿卿之親典膳食則自齊始著於職掌

耳又案魏書官氏志有太宰令為從第五品當亦主飲食之官而史失其詳今並附見於此

北齊

通典北齊曰光祿寺置卿少卿兼掌諸膳食帳幕冊府元龜北齊光祿寺丞一人從六品下又有功曹五官主簿等又有大官丞一人看藏令及丞二人又有清漳令丞主造酒

隋書百官志北齊光祿寺統大官

掌膳食者藏物掌膳事者藏物

菜等事

清漳

主酒歲二萬石春秋中半

等署各有令丞

謹案兩漢光祿勳至北齊而始為掌膳之職然考其所屬尚有守宮宮門供府華林等署兼司宮殿門戶則是漢制所沿猶未盡革也

後周

通典後周官品正五命天官主膳中大夫正四命天官小膳部下大夫正三命天官小膳部內膳外膳等上士正二命天官內膳外膳典庖典饔酒正

饋藏掌醢司鼎俎等中士正一命天官外膳典庖
典饔酒正饋藏掌醢司鼎俎等下士

唐六典後周有典庖中士一人有藏中士一人下
士一人酒正中士二人下士四人掌醢中士一人
下士十二人內膳有主食十二人

隋

隋書百官志光祿寺置卿少卿各一人丞三人主
簿二人錄事三人統大官有藏良醢掌醢等署各

置令大官三人肴藏良醢各二人掌醢一人丞大
官八人肴藏掌醢各二人良醢四人大官又有監
膳十二人良醢有掌醢五十人掌醢有掌醢十人
冊府元龜開皇三年廢光祿人司農十三年復置
又加置丞三人煬帝加置少卿二人又有主簿錄
事並流外為之

謹案隋光祿寺始專主肴膳無復掌宮殿門戶
之事漢光祿勳職守至此遂盡改其舊今光祿

寺規制實猶沿隋所定也

唐

舊唐書職官志先祿寺卿一人

從三品

少卿一人

從四品

品丞二人

從六品

主簿二人

從七品

掌邦國酒醴膳饌

之事總大官珍饈良醞掌醢四署之官屬修其儲備謹其出納少卿為之貳

新唐書百官志光祿寺卿凡祭祀省牲鑊濯漑三公攝祭則為終獻朝會燕享則節其等差錄事二

人

唐六典龍朔二年光祿寺改司宰寺咸亨初復舊
武后光宅元年改司膳寺神龍初復舊

孫逢吉職官分紀寺有府十一人史二十一人亭
長六人掌固六人

新唐書百官志大官署令二人從七品下丞四人
從八品下掌供祠宴朝會膳食祭日令白卿詣厨
省牲鑊取明水明火帥宰人割牲取毛血實豆遂

烹又實簋簋設于饌幕之內珍羞署令一人正八
品下丞二人正九品下掌供祭祀朝會賓客之庶
羞榛栗脯脩魚鹽菱芡之名數良醢署令一人正
八品下丞二人正九品下掌供五齊三酒享大廟
以供鬱鬯以實六彛進御則供春暴秋清醑醑桑
落之酒掌醢署令一人正八品下丞二人正九品
下掌供醢醢之物一曰鹿醢二曰兔醢三曰羊醢
四曰魚醢宗廟用菹以實豆賓客百官用醢醬以

和羹

唐六典武后垂拱元年有藏署改珍羞署神龍元年復舊開元元年仍改珍羞署

職官分紀大官署有府四人史八人監膳史十五人供膳二十四百人掌固四人珍羞署有府三人史六人典書八人掌固四人良醞署有府三人史六人監事二人掌醞二十人酒匠十三人奉解百二十人掌固四人掌醢署有府二人史二人主醢

十人醬匠二十三人酢匠十二人跽匠十二人菹
醢匠八人掌固八人

謹案通鑑李密降唐後為光祿卿嘗遇大朝會
密當進食深以為恥云云是唐之朝會以光祿
卿進食而六典不載其儀疑或是唐初未定之
制也至周官膳夫徒止百二十人漢大官令宰
士亦止二百人而唐之共膳乃多至二千四百
人供億繁費實為汰侈無藝今制光祿寺承辦

筵品凡茶役厨役及各項匠役均計工給直平時並無冗食法度益昭節慎矣

五季

薛居正舊五代史梁開平元年改御食使為司膳使

五代史梁本紀乾化二年光祿卿盧玘使於蜀冊府元龜後唐莊宗同光中光祿諸寺監各只置大卿監其餘官屬並權停

謹案梁之司膳使以他官兼之猶今總理寺務大臣也

宋

宋史職官志光祿寺卿少卿丞主簿各一人卿掌祭祀朝會宴饗酒醴膳羞之事修其儲備而謹其出納之政少卿為之貳丞參領之凡祭祀共五齊三酒牲牢鬱鬯及尊彝籩豆簠簋鼎俎銅登之實前期飭有司辨具牲饌視滌濯奉牲則告充告備

共其明水火焉禮畢進酢於天子而頌於百執事
之人分案五置吏十

文獻通考宋光祿判寺事以朝官以上充卿少卿
丞為寄祿官卿後來為中奉大夫少卿朝議大夫
丞宣義郎元豐官制行置卿少卿丞主簿各一人
元祐三年詔長貳互置政和六年監察御史王桓
等言祭祀牲牢之具掌于光祿而寺官未嘗臨視
請大祀以長貳朔祭及中祀以丞簿監視宰割禮

畢頌昨有故及小祀聽以其屬攝從之

章如愚山堂考索建炎以來光祿併歸禮部

玉海紹興二十三年二月丙子復光祿置丞一員

謹案宋史及文獻通考並言南渡後廢光祿併入禮部而如玉海所載紹興中已復置矣蓋當時但設丞以司其事而卿貳均未備員其職仍隸屬於禮部故史文未之及也

宋史職官志大官令掌膳羞割烹之事凡供進膳

羞則辨其名物而視食之宜謹其水火之齊祭祀
共明水明火割牲取毛血牲體以為鼎俎之實朝
會宴享則供其酒膳凡給賜視其品秩而為之等
文獻通考大官署宋朝隸御厨以朝官并諸司使
副內侍都知押班充元祐初罷大官令二年復置
崇寧二年置尚食局大局唯掌祠事○宋珍饈署
隸御厨有供備庫太平興國二年改為內物料庫有使及副使掌
供尚食及內外膳饌米麪飴蜜棗豆百品之料監

官二人以三班充外物料庫掌給皇城外諸宮院
油鹽米麪之品監官二人以三班內侍充○宋良
醞署屬御厨有內酒坊使掌造法糯酒常料之三
等酒以供邦國之用監官二人監門二人以三班
內侍充都麪院掌造麪以給內酒坊之用及出鬻
而收其直監官二人以京朝官及諸司使副內侍
充法酒庫掌造供御及祠祭凡祭祀共五齊三酒
以實尊壘以三班使臣內侍充○掌醞署宋屬御

厨有油醋庫監官一人以京朝官充掌造油醯哉以供邦國膳饔内外之用

謹案宋之勾當御厨司即如今内膳房之職當時光祿四署俱隸屬焉膳卿所掌蓋僅存虛名而已今案其職守又互詳内務府表内謹識於此

遼

遼史百官志南面官崇祿寺本光祿寺太宗諱改

王圻續文獻通考崇祿寺官曰崇祿寺卿曰崇祿寺少卿曰崇祿寺丞曰崇祿寺主簿

謹案遼史百官志最為闕畧崇祿寺亦未載有屬官今承德府地方有遼白川州石幢尚存其左方列銜載有麴務都監同監麴務麴院判官諸名皆史志所未及蓋本宋之麴院監官即隋唐良醞署之職其金之尚醞署酒坊使當亦沿此制而設者也謹並繫之於表以補史闕焉

金

金史百官志宣徽院左宣徽使正三品宣徽使正
三品同知宣徽院事正四品同簽宣徽院事正五
品宣徽判官從六品掌朝會燕享及監知御膳○
尚食局提點正五品使從五品副使從六品掌總
知御膳進食先嘗兼管從官食直長一員正八品
都監三員正九品生料庫都監同監各一員掌給
受生料物色收支庫都監同監各一員掌給受金

銀裏諸色器皿○果子都監同監各一員掌給受
進御果子○尚醞署令從六品丞從七品掌進御
酒醴直長正八品二員○酒坊使從八品副使正
九品掌醞造御酒及支用諸色酒醴

謹案金代不置光祿鴻臚二寺悉總其事於宣
徽院而宮掖政務亦兼領焉其職實如今之內
務府今故別著於表而取其典司相近者析載
於此以備一代之制云

元

元史百官志光祿寺隸宣徽院秩正三品掌起運
米麴諸事領尚飲尚醞局至元十五年罷都提舉
置寺設卿一員少卿三員主事一員照磨一員管
勾一員二十年改尚醞署正四品二十三年復為
光祿寺卿二員少卿丞各一員二十四年增少卿
一員二十五年撥隸省部三十一年復隸宣徽延
祐七年降從三品後復正三品定置卿四員正三

品少卿二員從四品叅二員從五品主事二員從七品令史八人譯史知印各二人通事二人奏差二十四人典史三人蒙古書寫一人○珍羞署至

元十三年始立尚珍署後罷入有司二十五年復

置掌收濟寧等處田土籽粒以供酒材設達魯噶

齊

解見戶部三庫篇

一員令一員並從五品叅一員正七

品吏目一人○尚食局掌供御膳及出納油麪酥

蜜諸物至元二年置提點二十年省併尚藥局為

尚食局置提點一員從五品大使一員正六品副
使一員正七品直長一員正八品○尚飲局中統
四年置設大使副使各一人俱帶金符掌醞造上
用細酒後定置提點一員從五品大使一員正六
品副使一員正七品○良醞署中統四年立御酒
庫設金符宣差至元十一年始設提點十六年改
尚醞局掌醞造諸王百官酒醴提點一人從五品
大使一人正六品副使一人正七品直長一人正

八品

謹案元宣徽院亦如今內務府之職光祿寺僅為其所屬之一署雖沿襲舊名其實不盡同古制王惲秋澗集稱當時曾有旨講究光祿寺職掌疑亦有意改革而未行也

明

明史職官志光祿寺卿一人從二品少卿一人正五品

寺丞一人從六品其屬典簿廳典簿二人從七品錄事

一人從八品大官珍羞良醢掌醢四署各署正一人

從六品署丞四人從七品監事四人從八品司牲司大使

一人從九品副使一人後革司牲局大使一人從九品嘉靖七

年革銀庫大使一人卿掌祭享宴勞酒醴膳羞之事

率少卿寺丞官屬辨其名數會其出入以聽於禮

部大官供祭品官膳節令筵席蕃使宴犒之事珍

羞供官膳肴核之事良醢供酒醴之事掌醢供錫

油醢醬梅醬之事司牲視其肥瘠而蠲滌之司牧

亦如之

鄧球泳化類編洪武乙卯冬十月定光祿官品級
先是置宣徽院尋改光祿寺設尚食尚醴二局供
需法酒二庫以院使同知院判典簿等掌之至是
改寺為司正卿一人從三品少卿二人正五品寺
丞六人從六品其屬典簿二人從七品錄事一人
從八品大官署珍羞署良醞署掌醢署各署正一
人俱從六品署丞四人俱從七品副使未入流洪

武三十年復為寺建文元年改光祿寺卿為光祿卿少卿寺丞分左右而陞少卿從四品省署丞二人增監事二人永樂初盡復洪武之制

謹案周禮膳夫有惟王不會之文說經者或以為疑不知當時九式掌於冢宰人主自不得恣其費用所以用皆合式不必以有司之法會之並非蕩然無節也三代以後侈汰漸萌如漢世屢詔減大官珍膳而後漢書載大官湯官經用


每歲尚至二萬萬卽鄧太后勅止省珍費所裁
亦不過數千萬其靡費可以槩見歷代相仍此
風未革李燾通鑑長編及江休復雜志載宋嘉
祐中御厨日宰二百八十羊日支麪萬斤勾當
御厨駕部員外郎李象中等皆以自盜御食得
罪編管是侵漁破冒有益以滋甚者明代各省
額解光祿寺銀米皆直送本寺不由戶部清釐
無法又令中官提督寺事每以片紙傳取錢糧

寺官即如數供億莫知真偽嘉隆間歲用逾四十萬厨役多至四千一百餘名明史所載如寺丞胡膏偽增物直為給事中楊允繩所糾提督中官杜泰乾沒歲鉅萬為少卿馬從謙所發奸蠹叢生實為弊數哉

朝自康熙初定制錢糧皆歸戶部光祿以時支取儲用厯加撙節歲祇支銀二萬兩月要其數以奏務使品式有定出入有經冗費盡除成規共守

信足永昭

儉德矣



欽定歷代職官表卷三十